

REGIONAL NEWS UNIT  
ALL INDIA RADIO, AGARTALA  
Date: 12-02-2025  
Time: 07:55-08:05 PM Hrs  
BENGALI EVENING BULLETIN

---

Headlines :

- (১) কেন্দ্রীয় মন্ত্রী সর্বানন্দ সোনোয়াল বলেছেন, প্রধানমন্ত্রী নরেন্দ্র মোদীর নেতৃত্বে দেশের ১৪০ কোটি জনতার মনোবল বৃদ্ধি হয়েছে, তাদের আত্মবিশ্বাস বেড়েছে।
- (২) মুখ্যমন্ত্রী অধ্যাপক ডাঃ মানিক সাহা আজ মোট ৪০ কোটি ৫৭ লক্ষ টাকার ৫টি প্রকল্পের শিলান্যাস করেন।
- (৩) এডিসি'র দুইদিনব্যাপী অধিবেশন আগামী ৭ ও ১০ই মার্চ অনুষ্ঠিত হবে।
- (৪) প্রধানমন্ত্রী নরেন্দ্র মোদি ফ্রান্স সফর শেষে যুক্তরাষ্ট্রের উদ্দেশ্যে রওনা হয়েছেন।
- (৫) টিসিএ পরিচালিত ঘরোয়া সুপার ডিভিশন লিগ ক্রিকেট প্রতিযোগিতা আজ থেকে শুরু হয়েছে।

\*\*\*\*\*

Central Minister-Press Meet :

কেন্দ্রীয় বন্দর, নৌ-পরিবহন ও জলপথ মন্ত্রী সর্বানন্দ সোনোয়াল বলেছেন, প্রধানমন্ত্রী নরেন্দ্র মোদীর নেতৃত্বে বিগত ১০ বছরে দেশকে এগিয়ে নিয়ে যেতে অভূতপূর্ব সাফল্যের ফলে আজ দেশের ১৪০ কোটি জনতার মনোবল বৃদ্ধি হয়েছে, তাদের আত্মবিশ্বাস বেড়েছে। প্রধানমন্ত্রী দেশের সকল অংশের মানুষকে সাথে নিয়ে "সবকা সাথ সবকা বিকাশ" এই মন্ত্রে সবাইকে একত্রিত করেছেন। আজ আগরতলায় প্রদেশ বিজেপি কার্যালয়ে এক সাংবাদিক সম্মেলনে তিনি একথা বলেন। তিনি কেন্দ্রীয়

বাজেটে দেশের সার্বিক কল্যাণে কি কি প্রস্তাব রাখা হয়েছে সে বিষয়ে বিস্তারিত উল্লেখ করেন।

#####Byte-Central Minister#####

তিনি বলেন, উত্তর পূর্বাঞ্চলে কৃষকদের জন্য ১২ লক্ষ ৫০ হাজার মেট্রিকটন উৎপাদন ক্ষমতা সম্পন্ন ফাটলাইজার প্লান্ট তৈরি করতে বাজেটে অর্থের সংস্থান রাখা হয়েছে। এর ফলে আসাম সহ উত্তর পূর্বাঞ্চল এবং প্রতিবেশী রাষ্ট্রের কৃষকরাও লাভবান হবেন। তিনি বলেন, বর্তমানে সারা দেশে প্রায় ৪ কোটি ৭৮ লক্ষ নিবন্ধনকৃত ক্ষুদ্র ও মাঝারি উদ্যোক্তা রয়েছেন। তাদের জন্য বাজেটে পর্যাপ্ত ব্যয় বরাদ্দের প্রস্তাব করা হয়েছে। যার ফলে ২০ কোটি লোক কর্মসংস্থানের সুযোগ পাবেন। মেক ইন ইন্ডিয়া কর্মসূচিকে উৎসাহিত করার জন্য এই বাজেটে প্রথমে পাঁচ কোটি টাকা ঋণের ব্যবস্থা ছিল। বর্তমানে সেখানে এই বাজেটে ১০ কোটি টাকা বৃদ্ধির প্রস্তাব রাখা হয়েছে।

শ্রী সনোয়াল বলেন, প্রধামন্ত্রী নরেন্দ্র মোদীর সুযোগ্য নেতৃত্বে ত্রিপুরা সারা দেশের পাশাপাশি সারা বিশ্বে একটি চর্চার কেন্দ্রবিন্দু হয়ে উঠেছে। এই রাজ্য থেকে কাঁঠাল, কুইন আনারস রপ্তানী উল্লেখযোগ্যভাবে বাড়ছে। গোমতী নদীকে ব্যবহার করে বাংলাদেশ হয়ে সারা বিশ্বের সঙ্গে ত্রিপুরাকে পরিচয় করিয়ে দেওয়ার জন্য প্রধানমন্ত্রী যে নির্দেশনা দিয়েছেন সেই অনুযায়ী কাজ ইতিমধ্যেই শুরু হয়েছে বলে তিনি জানান।

\*\*\*\*\*

**Laying Foundation Stone-CM :**

মুখ্যমন্ত্রী অধ্যাপক ডাঃ মানিক সাহা আজ মোট ৪০ কোটি ৫৭ লক্ষ টাকার ৫টি প্রকল্পের শিলান্যাস করেন। পরিবহন দপ্তরের উদ্যোগে জিরানিয়ায় আয়োজিত এক অনুষ্ঠানে তিনি জিরানিয়ায় মোটরস্ট্যান্ডের শিলান্যাস করেন। ঐ অনুষ্ঠান থেকেই তিনি ভারুয়ালভাবে জোলাইবাড়ি, মেলাঘর, তেলিয়ামুড়ায় জেলা

পরিবহন কার্যালয়ের, দক্ষিণ জেলার শান্তিরবাজারে জেলা পরিবহন কার্যালয় শিলান্যাস করেন ও খোয়াই পুরাতন বাজারে ইন্টিগ্রেটেড পার্কিং কমপ্লেক্সের উদ্বোধন করেন। অনুষ্ঠানে মুখ্যমন্ত্রী বলেন, রাজ্যে বর্তমানে শান্তি বিরাজ করছে বলেই দ্রুত উন্নয়নের কাজ বাস্তবায়িত করা সম্ভব হচ্ছে।

#####Byte-CM#####

খোয়াই পুরাতন বাজারে ৪ কোটি ৩২ লক্ষ টাকা ব্যয়ে ইন্টিগ্রেটেড পার্কিং কমপ্লেক্স নির্মাণ করা হয়েছে। আজ পুরাতন বাজারে আয়োজিত অনুষ্ঠানে উপস্থিত ছিলেন বনমন্ত্রী অনিমেষ দেববর্মা, বিধায়ক পিনাকী দাস চৌধুরী, পুর পরিষদের চেয়ারপার্সন দেবশীষ নাথ শর্মা।

মেলাঘর মোটরস্ট্যান্ডের ভারুয়াল শিলান্যাস অনুষ্ঠানে মেলাঘরে আয়োজিত অনুষ্ঠানে উপস্থিত ছিলেন বিধায়ক কিশোর বর্মন, মেলাঘর পুর পরিষদের চেয়ারপার্সন অনামিকা ঘোষ পালরায় প্রমুখ। এই মোটরস্ট্যান্ড নির্মাণের জন্য ব্যয় হয় ৫ কোটি টাকা।

জোলাইবাড়িতে-শান্তিরবাজারে দক্ষিণ জেলা পরিবহন আধিকারিকের অফিস ও জোলাইবাড়ি মোটরস্ট্যান্ডের ভিত্তিপ্রস্তর স্থাপন অনুষ্ঠানে উপস্থিত ছিলেন সমবায় মন্ত্রী শুক্লাচরন নোয়াতিয়া, বিধায়ক মাইলাফরু মগ প্রমুখ।

\*\*\*\*\*

**Courtsey Meet :**

কেন্দ্রীয় বন্দর, নৌ পরিবহন ও জলপথ মন্ত্রী সর্বানন্দ সোনোয়াল আজ আগরতলায় মুখ্যমন্ত্রী অধ্যাপক ডাঃ মানিক সাহার সঙ্গে এক সৌজন্যমূলক সাক্ষাৎকারে মিলিত হন। সাক্ষাৎকালে তাদের মধ্যে রাজ্যের উন্নয়নমূলক বিষয় নিয়ে আলোচনা হয়। কেন্দ্রীয়মন্ত্রী রাজ্যের উন্নয়নে সবরকম সাহায্যের প্রতিশ্রুতি দেন।

\*\*\*\*\*

**ADC Session :**

এডিসি'র দুইদিনব্যাপী অধিবেশন আগামী ৭ ও ১০ই মার্চ অনুষ্ঠিত হবে। খুমলুঙস্থিত পরিষদীয় ভবনে ৭ই মার্চ বেলা ১১টায় অধিবেশন বসবে। পরিষদীয় সচিব কেশব দেবর্মা আজ এখবর জানিয়েছেন।

\*\*\*\*\*

**Update Akashvani :**

এখবর শুনছেন, আকাশবাণী আগরতলা কেন্দ্র থেকে।

#####Sound Byte#####

আকাশবাণীর সংবাদের আপডেট পেতে লগ ইন করুন - ডব্লিউ. ডব্লিউ. ডব্লিউ ডট নিউজ অন এ আই আর ডট কম এবং নিউজ অন এ-আই-আর অ্যাপ, এবং টুইটার ও ফেসবুক প্লাটফর্মে-এ এ-আই-আর-নিউজ-এলার্টস-এ। ইউ-টিউব-এ লক্ষ্য করুন নিউজ-অন-এআইআর-অফিসিয়াল-এ।

এছাড়াও আকাশবাণী আগরতলার সংবাদ আপডেট পেতে দেখুন টুইটার বা এক্স হ্যান্ডলে আকাশবাণী নিউজ আগরতলা / ফেসবুকে এ-আই-আর নিউজ আগরতলা এবং ইউ টিউবে আকাশবাণী নিউজ আগরতলা।

\*\*\*\*\*

**PM :**

প্রধানমন্ত্রী নরেন্দ্র মোদি ফ্রান্স সফর শেষ করে যুক্তরাষ্ট্রের উদ্দেশ্যে রওনা হয়েছেন। এই সফর ভারত ও ফ্রান্সের মধ্যে শক্তিশালী কৌশলগত অংশীদারিত্বকে শক্তিশালী করেছে, যেখানে প্রতিরক্ষা, প্রযুক্তি, বাণিজ্য এবং বৈশ্বিক সহযোগিতার বিষয়ে গুরুত্বপূর্ণ আলোচনা হয়েছে।

সফরের সময়, প্রধানমন্ত্রী মোদি এবং ফরাসি রাষ্ট্রপতি ইমানুয়েল ম্যাক্রোঁ কৃত্রিম বুদ্ধিমত্তা অ্যাকশন সামিটের সহ-সভাপতিত্ব

করেন। এই শীর্ষ সম্মেলন আয়োজনের জন্য ফ্রান্সকে অভিনন্দন জানানোর সময়, প্রধানমন্ত্রী মোদি ঘোষণা করেন যে ভারত পরবর্তী সম্মেলনের আয়োজক হবে।

আগের দিন মার্সেইতে, উভয় নেতাই প্রথম এবং দ্বিতীয় বিশ্বযুদ্ধে লড়াই করা ভারতীয় সৈন্যদের শ্রদ্ধা নিবেদন করেন।

একটি গুরুত্বপূর্ণ কূটনৈতিক পদক্ষেপে, প্রধানমন্ত্রী মোদী এবং রাষ্ট্রপতি ম্যাক্রোঁ যৌথভাবে মার্সেইতে ভারতের কনসুলেট জেনারেলের উদ্বোধন করেন।

\*\*\*\*\*

#### **Pariksha Pe Charcha :**

চলচ্চিত্র তারকা দীপিকা পাড়ুকোন আজ শিক্ষার্থীদের সঙ্গে মানসিক স্বাস্থ্য নিয়ে কথা বলেছেন। তিনি প্রত্যেক শিক্ষার্থীকে নিজ নিজ অন্তর্নিহিত মানসিক শক্তির উপর আস্থা রাখার ওপর এবং ব্যর্থতার শঙ্কা না করে তাদের দুর্বলতাগুলি কাটিয়ে তোলার আহ্বান জানিয়েছেন। আজ দিল্লিতে তিনি পরীক্ষা পে চর্চার দ্বিতীয় পর্বে, মানসিক স্বাস্থ্য ও শিক্ষার্থীদের সুস্থ জীবন নিয়ে বক্তব্য রাখছিলেন। শ্রীমতি পাড়ুকোন বলেন যে শিক্ষার্থীদের উপলব্ধির মধ্যে স্পষ্টতা আনতে হবে এবং দৃঢ়তার সঙ্গে যে কোন চ্যালেঞ্জ মোকাবেলা করার জন্য এগুতে হবে।

প্রধানমন্ত্রী নরেন্দ্র মোদীর শিক্ষার্থীদের সঙ্গে কথোপকথনের উদ্ভূতি দিয়ে তিনি বলেন যে শিক্ষার্থীদের তাদের অনুভূতি চেপে না রেখে প্রয়োজনে পরিবার এবং বন্ধুদের সাথে খোলামেলা আলোচনা করা উচিত, নিজের অভিমত ব্যক্ত করা উচিত। তিনি বলেন যে যেকোনো পরিস্থিতি মোকাবেলা করার ধৈর্যই সাফল্যের চাবিকাঠি। পরীক্ষার সময় সন্তানদের উপর অতিরিক্ত চাপ না দেওয়ার জন্য অভিভাবকদের প্রতি তিনি আহ্বান জানান। মানসিক স্বাস্থ্য নিয়ে শিক্ষার্থীদের বিভিন্ন প্রশ্নের উত্তর দেন চলচ্চিত্র তারকা দীপিকা পাড়ুকোন।

#####Byte- Deepika Padukone#####

পরীক্ষা পে চর্চার আজকের অনুষ্ঠানে অংশ গ্রহন করে ঊনকোটি জেলার কুমারঘাটের একলব্য মডেল স্কুলের ছাত্র কবীর রিয়াং। আকাশবানীকে কবীর জানায় পরীক্ষার আগে মানসিক চাপ মুক্ত থাকার জন্য চলচ্চিত্র তারকা দীপিকা পাডুকোন শিক্ষার্থীদের জন্য যে পরামর্শ দিয়েছেন তা অত্যন্ত উপযোগী ।

#####Byte-Kobir Reang#####

কুমারঘাটের একলব্য মডেল স্কুলের শিক্ষক মতিলাল পাল আকাশবানীকে দেওয়া সাক্ষাৎকারে জানিয়েছেন, পরীক্ষা পে চর্চা অনুষ্ঠানে প্রধানমন্ত্রীর পরামর্শ শিক্ষার্থীরা অত্যন্ত উপকৃত হবে।

#####Byte-Motilal Paul#####

\*\*\*\*\*

**Mahakumbh :**

এবার মহাকুম্ভের খবর

#####Sound Byte###

মাঘী পূর্ণিমা উপলক্ষে আজ বেলা ১২টা পর্যন্ত ৫৯ লক্ষেরও বেশি ভক্ত প্রয়াগরাজের মহাকুম্ভের সঙ্গমে পূণ্যস্নান করেন।

এই স্নানের মাহাত্ম্য হল, কল্পবাস পালনের বিশেষ আচারের সমাপ্তিতে এই স্নান করা হয়। এই সময়কালে, কল্পবাসীরা সঙ্গমের ঘাটের কাছে অস্থায়ী বাসস্থানে থাকেন। এই বছর, মহাকুম্ভে ১০লক্ষেরও বেশি মানুষ কল্পবাস করছেন। এবার মহাকুম্ভে এপর্যন্ত ৪৭ কোটি ৫৫ লক্ষেরও বেশি ভক্ত পূণ্যস্নান করেছেন।

#####Sound Byte###

\*\*\*\*\*

**Super Division Cricket :**

টিসিএ পরিচালিত ঘরোয়া সুপার ডিভিশন লিগ ক্রিকেট প্রতিযোগিতা আজ থেকে শুরু হয়েছে। উদ্বোধনী দিনে তিনটি ম্যাচ হয়। এতে মেলাঘরের মাঠে ব্লাডমাউথ ক্লাবে ৫৯ রানে স্ফুলিঙ্গ ক্লাবকে, নরসিংগড়ের টিআইটি মাঠে সংহতি ক্লাব ৭ রানে জয়নগর ক্রিকেট ক্লাবকে এবং এম বি বি স্টেডিয়ামে হার্ভে ক্লাব ৩১ রানে ইউনাইটেড ফ্রেন্ডসকে পরাজিত করে। মোট ছয়টি ক্লাব এই আসরে অংশ নিয়েছে। ডবল লিগের ভিত্তিতে আসরে চ্যাম্পিয়নশীপের ফয়সলা হবে।

\*\*\*\*\*

#### **National Games :**

উত্তরাখণ্ডে অনুষ্ঠিত ৩৮তম জাতীয় গেমসের এপর্যন্ত মোট ৪০৩টি স্বর্ণপদকের ফয়সলা হয়েছে। এরমধ্যে ৫৯টি স্বর্ণপদক নিয়ে সার্ভিসেস স্পোর্টস কন্ট্রোল বোর্ড তালিকার শীর্ষে রয়েছে। ৪৭টি স্বর্ণ পদক নিয়ে মহারাষ্ট্র দ্বিতীয় স্থানে এবং ৩৪টি স্বর্ণপদক নিয়ে হরিয়ানা তৃতীয় স্থানে রয়েছে।

এদিকে, হ্যান্ডবলে মহিলা বিভাগে হিমাচল প্রদেশ স্বর্ণ, হরিয়ানা রূপো ও রাজস্থান ব্রোঞ্জ পায়। অপরদিকে, পুরুষ বিভাগে সার্ভিসেস স্বর্ণ, হরিয়ানা রূপো ও উত্তরাখণ্ড ব্রোঞ্জ পদক পায়।

\*\*\*\*\*